

مارننگ گو جری نیوز بلیٹن مورخہ 30 جون 2025

یوہ آکا شوانی جموں ہے محمد اکرم تیں خبر سُنو۔

LG REVIEWS SANJY

لیفٹیننٹ گورنر منوج سنہا نے کہو کہ مارو سب تیں بڑو مقصد شری مارناتھ جی یسغا عقیدت مند آسانی سنگ اپنی یاترا مکمل کریں تیانگو قیام محفوظ تے آرام دہ وے یاہ گل انہاں نے گزشتہ روز ننوان تے چندنواری بیس کیمپ غو دورا غے دوران کہی جت انہاں نے یاترا غی تیاریاں غو جائیزو لیو نن وان بیس کیمپ مانہہ ایل جی نے یاتریاں غی سہولیت واسطے ایک پیدل چلن آلو پُل گو افتتاح کیو۔ اپنا دورا غے دوران انہاں ے چندن واری بیس کیمپ اسپتال مانہہ صحتیں متعلق کیا گیا انتظامات غو وی معائنو کیو۔

RANA BALTAL AXIS

جل شکتی گا وزیر جاوید احمد رانا نے گزشتہ روز شری امرناتھ جی یاترا واسطے بالٹال روٹور کی جان آلی تیاریاں غو تفصیلی جائیزو لیو انہاں نے مینگام ٹرانزٹ کیمپ تے دومیل کیمپ غو دورو کیو تانجے تیاریاں گو مشاہدو کیو جاسکے اس موقع ور ضلع گاندربل غا ڈی سی جتن کشور کیمپان غا افسر تے مختلف محکماں غ افسر نے وزیر نانہہ تیاریاں بارے آگاہ کرایو جناب رانا نے زور دیتا وان کہیو تمام متعلقہ ادرا باہمی ہم آہنگی تیں کم کریں تانجے یاترا تیں پہلاں تمام انتظامات مکمل ہوسکیں انہاں نے کہیو حکومت غو مقصد ملک تے بیرون ملک تیں آریا یاتریاں نانہہ ایک یادگار تجربو فراہم کرنو ہے۔

JMU POLICE SECURITY

شری امرناتھ جی یاترا غے پیش نظر جموں پولیس نے نیم فوجی دستاں غے نال مل غے حفاظتی انتظامات سخت کردتا ہیں اہم مقامات ور مشترکہ ناکا قائم کیا گیا ہیں جہیرو 24 گھنٹہ سرگرم رہ غو۔ یے ناکہ خاص طور ور قومی شاہراہ ور شہر غا مضافات تے بھگواتی نگر بیس کیمپ جان آلا رستاں ور لایا گیا ہیں اس قدم غو مقصد یاتریاں واسطے محفوظ تے ہموار سفر نانہہ یقینی بنانو ہے۔ جموں پولیس غا اعلیٰ افسر ان کاروائیاں ور قریبی نگرانی رکھیا وی ہیں تانجے چوکسی تے عوامی تحفظ نانہہ برقرار رکھیو جاسکے۔

YATRA TRY RUN

سالانہ شری مارناتھ یاترا 2025 غا آغاز مانہہ صرف دو دن باقی رہ گیا ہیں اسی سلسلہ مانہہ جموں کشمیر انتظامیہ نے اج جموں سرینگر قومی شاہراہ ور یاترا غا قافلہ غا کامیاب تربیتی

مشق کی۔ قافلہ جموں تیں روانہ ہوا ۱۱ تے سویرے 6 بجے ادھمپور پُجیو اس موقع ور ٹوپشنل کمشنر جموں زمیش کمار آئی جی پی جموں بھیم سین ٹوٹی تے دیگر اعلیٰ افسر نے ٹکری تے جکھینی چوک ور انتظامات گو جائیزو لیو۔ انہاں نے ڈی سی ادھمپور سلونی رائے ڈی آئی جی ادھمپور ریاسی رینج سارہ رضوی تے ایس ایس پی امور ناگپوری تیں ملاقات کی اس مشق گو مقصد یاترا غے دوران حفاظت تے انتظامات گو جائیزو لینو تھو۔

MOCK DRILL

آئیندہ امر ناتھ یاترا 2025 غے دوران حفاظت نانہہ یقینی بنان واسطے معطل از وقت کوشش مانہہ گزشتہ شام بھارتی فوج سی آر پی ایف تے جموں کشمیر پولیس تے آفات نال نمڑنخاطر فوج جے کے ایس ڈی آر ایف کی طرفوں جموں سرینگر قومی شاہرہ ور سرولی ٹولڈی نالہ مانہہ ایک مشترکہ مرضی لینڈ سلائیڈ ڈرل گو انعقاد کیو گیو آکاشوانی نیوز نال گل بات کرتا واں ڈی ایس پی ادھمپور پرلاد کمار نے کہیو کہ فرضی مشق بکھ بکھ فوجاں گے درمیاں تال میل تے حفاظتی فوج کی طرفوں رد عمل گو جائیزو لین واسطے کیگئی تھی۔

PARLIAMENTRAY COMMITTEE

رُکن پارلیمانبرج لعل کی قیادت مانہہ پارلیمانی قائمہ کمیٹی برائے عملہ عوامی شکایات تے قانون تے انصاف نے اتواریں گلمرگ گو دورو کیو تانجے سہولیات تے عوامی شکایات غا ازالہ گا انتظام گو جائیزو لیو جاسکے جن نانہہ اپریشن سندھور کی وجہ توں ملتوی کیو گیو تھو یوہ دورو پہلگام دہشت گردانہ حملہ گے بعد سکیورٹی مانہہ بہتری تیں بعد دوبارہ شروع ہوو۔ سرینگر مانہہ چیف سیکرٹری تے سرکاری افسران نال ملاقات تیں بعد کمیٹی پارلیمان مانہہ رپوٹ پیش کرے گی۔

SATISH RUN

نوجوانان نانہہ بالاختیار بنان جدت نانہہ فروغ دین تے باہمی ہماہنگی غا اظہار واسطے جموں یونیورسٹی مانہہ امن تے اختراع واسطے دوڑ غو انعقاد کیو گیو اس پروگرام گو اہتمام محکمہ سیاحت نے انڈین چیمبر آف کامرس غا تعاون تیں کیو۔ اجتماع تیں خطاب کرتا واں انہاں نے کہیو امن تے اختراع کسی وی سماج غی ترقی غ ادو اہم ستون ہیں جموں کشمیر اپنا نوجوانان غی توانائی غے نال ایک مضبوط تے جدید مستقبل غی قیادت کرسکے بے انہاں نے اس گل ور وی زور کہلیو کہ ایسا پروگرام نوجوانان نانہہ آپس مانہہ جوڑن سیکھن تے سماجی و کاروباری میدان مانہہ قیادت غو موقعو فراہم کرے۔

RAJOURI GASTRO

ذیلی تحصیل کوٹرنکہ غا ڈار شکری گراں مانہہ گیسٹرو غی شکایات موصول ہون تیں بعد ضلع انتظامیہ راجوری نے فوری حفاظتی اقدامات غو آغاز کیو۔ جل شکتی غا وزیر جاوید احمد رانا خود اس تحصیل غی نگرانی کر رہیا ہیں ایک تکنیکی ٹیم مانہہ اے ای ای۔ جے ای تیپانی غی جانچ کرن غو عملو شامل تھو موقع ور پُجیا تے 4 قدرتی چشمائیں تے نلکہ گا پانی غا نمونہ حاصل کیا۔ لیبارٹری رپوٹ مانہہ 2 چشمائیں مانہہ ای کولائی جراثیم غی موجودگی غی تصدیق ہوئی جدکہ

نلکاں غا پانی نانہ محفوظ قرار دتو گیو حکام صاف پانی غی فراہمی نانہ یقینی بنا رہیا ہیں تے
شہریاں تیں احتیاطی تدابیر اختیار کرن غی اپیل کی گئی ہے۔
